

l'sonnerie d'ch'réveil à s'met à sonner
pour t'chi qu'est du matin y a pas à tortiller y faut s'lever
et dire que ch'est tous les jours l'même corvée
si c'est qu'on sait qu'on peut pas vivre sans travailler
sans quoi y a des momints on invéro tout galter
et y a ti l'marmaille qu'à pince qu'à becter
et d'un z'un ménage y a toudis qui cose à acater
aussi dépéchos nous d'nous habiller
prinde-es musette avec s'un briquet
y n'faut pus s'amuser
dernier cornet y vient d'sonner
on sait bien pour dévaler y a personne ed' premier
pour armonter tout l'monde dins l'première cage voudras s'intasser
ch'est normal après huit heures passées dz'ou l'terre
a saquer d'un ch'carbon qui est dur comme du fer
juste un pantalon et s'un maillot
et plein d'sueur sur nou figures et dins nou dos
quand l'heure d'ech briquet arrive on n'es fait pas prier
minger ses tatines et s'graisse , boire nou bidon d'café
et là dessus eun'bonne chique on peut arceumincher
faut finir l'tailleux:ch'porion y va passer
d'ailleurs y va falloir réclamer
nous billets d'compte y a core baissé
et si on n'nous ar donne pas s'qu'on nous a voler
on ira vir l'ingénieur avec éch'délégué
on nous fait mourir à travailler et on veut pas nous payer
tous rinquéri y a qu'el quinzaine qui n'est point al'montée
nous on nous print pour des bêtes de some , vla la vérité
ch'est écoeurant d'vir cha , si cha continu on va s'révolter
jusqu'a s'maire porion qu'y crie pour du carbon
on veut bien in faie mais qu'on nous donne du pognon
a bil la fin d'ech poste qu'on ar monte à l'surface
canger d'habit , prendre un bon bain qui nous décrasse
vir un peu d'ciel bleu
nous rindra tout joyeux
rintrer as'maison ,ar vir s'femme ,ses gosses
jusqu'à l'lendemain matin ne plus pinser al'fosse
vivement l'dimanche ,dormir ch'qu'à temp qu'on n'a assez
plus intinde chés berlines claquer nous rindra tout gaie
dire qui n'a tant qui sans suer
fument des cigares ,roulent in bagnole avec un porte-feuille bourré
sur l'cote d'azur y vont s'plantaliser
nous les bagnards au fond d'el fosse , on dot creuse
et pis à quoi bon discuter ed' puis qu'el fosse al'existe
ch'a toudis été comme cha d'père in fils
j'n'in conno pas un qu'est devenue riche
a quoi bon s'faire d'el bile et s'creuser la tête
pour qu'cha quange faudra quanger l'planète